

GOSPEL TANGKOU

(Gospel Herald)

Issue No. 5

Volume : XXXV

July

2021



KULLIAN MELC BIAHINN KAWT HONNA



LAUNCHING OF SUSTAINABLE LIVELIHOOD PROJECT

2021 KUM THUPI

“KHRIST ADIA HINKHUO LAMDANG NGAM...” Rom 12:2

EDITOR:

**Rt. Rev. Dr. S.K MANLUN
Bishop**

Gospel Tangkou July 2021

EDITORIAL BOARD

Founding Editor:

Rev. M. Hauzalian
Mobile No - 9862736491
E-mail : eimithumpawl@gmail.com

Editor:

Rt. Rev. Dr. S.K. Manlun
Mobile No - +91 9612152332
E-mail : melchqtrs@gmail.com

Joint Editor:

Rev. Nengkhanlal Milun,
Director of Ministries
Mobile No- +91 6009924646

Managing Editor:

Rev. Kamminthang,
Director of Missions
Mobile No- +91 9612281530

Contributing Editor:

1. Rev. Dr. Hangminthang
Mobile No. +919612997858
2. Rev. Thangliankham
Mobile No. +9862830905
3. Pastor T. Chinlunmang
Mobile No. +91 7630854610
4. Pastor Kamneithang
Mobile No. +91 8974609177
5. Divisional Superintendent teng

Design & Setting:

Mr. Khamkhanhau
Mobile No. +918974955366
E-mail : munluohaupu@gmail.com

Circulation Manager:

1. H. Khaikhogin
Mobile No - +919862133422
2. Dongzakam
Mobile No. +919612198903

A SUNG A THU UMTE

Editorial	1
Hinkhuo a hoilam ...	2
Mangpa thumna...	4
Samari khuo kielpia ...	5
Pastors' Get Together...	6
Gitlouna Taisan in	8
Tulkhat nuomthu genkum...	9
Khanglai Daniel....	13
Na Kum Thupi.....	15
Guoltungtuonna...	19
What Doth God....	21
Lung muangmaw uh...	26
Launching & Graduation ...	25
Suunna	27

Patron Member ₹.2000/-
Kum khat lah man:
Khut ah - ₹.200/-
Dah ah - ₹.250/-

Article zousie Editor kunga pieh ding; ahilouleh, e-mail in
melchqtrs@gmail.com leh **WhatsApp** tungtawn in a piehthei ding hi.
Tualeh, a lahman Circulation Manager kunga pieh ding ahi.

Editorial laikung pan



Laa phuotu in Mangpa'n a hepите gam vanghuolna, Leitung Kanaan gam sang a nuomzaw hi, ana chikhu thupi kasa mama hi. Mangpa hepina mai hilou in a vanghuolna zong kitang nalai chi lei vangpha mama ihi uhi. Mangpa hepina haliim nuoi ah hundamte ki tawldam tava, ama uah kumtawn hinna amu chieng un leh nuomsata va uh. Pasian hepina khu bangchi mu ding ata diai? Koiten amu ding ata diai? A hepina mute hampha hina vayie te e izaw kumtawn a hinna neita ding ua, kumtawn a nuomsa ding ahi uhi. Mangpa hepina in nang leh kei a tanding in GAM hing vanghuol pieh hi. John 14:1,2 Jesu'n Na lungsim uh mangbang sahsih un Pasian gingta un len kei zong hing gingta un, Kapa Inn ah umna ding mun tampi aum hi, umlou hi leh noute kahing hilita ding hi, achi hi. Nou a ding a mun bawla pei ding kahi. Mangpa'n gam ang vanghuolna khu ei a ding a Jusu'n mun bawlkhu ahi. Pasian hing itna thupi hina lawmlawm e, mikhiel ihi lai na ngon in Aman eite a ding in MUN ahing siemsah ahi.

Tuami mun khu Mangpa hepina tangte a ding ahi, tua mun khu laa phuotu in leitung kanaan gam sang a nuomzaw hi ana chikhu ahi. Hepina ahi leh ngaidamna ahia, Bible in agenna ah Pasian in mikhielte a it hi tami'n mi zoisie huom ahi, hinan leh Bible in hepina achi khu itna leh hepina in ahuomzaw lou midangte na ngawn agenna ahi. Tua zieh in Pasian itna leh hepina in eite na ngon ang huomkha hi .Simtute zousie Mangpa'n hing guoljawl in ahepina haliim nuai ah nuomtah in hing tawldam sah taken.

Gospel Tangkou July 2021

(TURNING POINTS)

HINKHUO A HOILAM A KIHENG LAMDANGNA

By: Pastor Khamkhenthang,
DS Behiang Division

(Text: Romans 12:1-2)

1. Unaute aw, Pasion khotuona zieh in, nasapumte uh kithoina hing leh sieng thou pom tah hi ding a kilaan dingin Pasion khotuona zieh in kaching ngen uhi. Tua khu nabawl ding ua kilawm mawng ahi.
2. Tam leitung Dan dungzui in umsih unlen, Pasion deilam hoi leh pomtah leh hoi bukim na theichien nading un, lungsim tha a um in, hing kiheng lamdang zohta un.

A Turning point in our...

I hinkhuo a hoilam a ikiheng lamdangnate:

- 1) Sin - khelna a pat a hoilam a kihengna
- 2) Salvation - Hundamna a pat a hoilam a kihengna
- 3) Sanctification - Sienthoua a pat a hoilam a kihengna
- 4) Soveriegnty - Thuneina a pat a hoilam a kihengna
- 5) Service - Na sepna apat kiheng lamdan na.

Nasepna a pat a hoilam a kihengna:

Tuazieh in, ka hing hil ahi, a manu mawna tampite ngaidam ahita hi, aziehpén a man a hingha it zieh in, hinanleh itna tawmte akingaidamna zong a tawm hi. Luke 7:47.

3. A turning point in our...

I hinkhuo a hoilam a ikiheng lamdangnate:

1st Genuine Worship is...

(Pasion Biehna tah tah ahi leh)

Na sapum ukhu, na sungua um, Pasion apat a na mu uh, Hagau Siangthou tenna Inn ahi a, nouma a zong na hi sih uh chi nathei sih uh ama? 1cor.6:19.

2nd Genuine Worship is...

(Pasion Biehna tah tah ahi leh)

Kei keima hinna a hing kahi nawnsih a, Christ keima ah a hing zawta hi. Tualeh tua tahsa a ka hinna pen keima a hing it leh kei ding a ki pie Pasion Tapa ginna toh hing kahi bou hi.

Gospel Tangkou July 2021

4. A turning point in living...

Khosahna - a hoilam a kiheng lamdangnate:

1st - Do not be conformed to this world

(Tam Sietlei daan dung zui in umsih un)

- 1) Follow the Good Company of God's people (Pasian mite -lawm hoite zui in) Sol in umsih ung; lawm gilou in umdan hoi asuse zel hi. 1cor.15:33.
- 2) Follow the good company of God's Word.. (Pasian mite - lawm hoite zui in)

Tangvaalten bang chin a gamtatna uh a sieng thou sah thei di uoi? Na dan azui uleh a sieng thou thei ding uhi. Na tunga ka khellou nading in, kalungsim sung ah Na Thu kakeem zing hi. Psalm 119:9,11.

2nd - Be transformed by renewing your mind...

(Na lungsim uh athaha umin hing lamdang zawta un)

A turning point in - God's Will...

(Pasian deidan a - a hoilam a kiheng lamdangna)

John 15:7...Keimaha na um ngitnget ua, tualeh Ka thu zong nouma a aum leh, nadei zousie uh ngen un, tuachi'n noute a ding in bawl pieh in aum ding hi.

1st - God's Will is ...

Pasian deilam ahi leh - Amaha um ngitnget ding.

2nd - God's Will is ...

Pasian deilam ahi leh - Amah thu ei-a a um ngitnget ding.

3rd - God's Will is...

Pasian deilam ahi leh - Amah dei dan toh kituoh ideite nget ngitnget ding ahi.

A hoilam a ki khelna chili (4) igente - a bang pen na hinkhuo ah napaomawpen ei?

Nakikhel lamdangnah dingin bang na bawl sawm ei?

~~~oio~~~

*Gospel Tangkou July 2021*

## **MANGPA THUMNA**

*(Ka tung ua khielte ka ngaidam bang un  
Nang zong ka khelnate uh hing ngaidam in)*

*By: Bishop, MELC*

Mangpa thumna a ding a point 5na ahi. Vantung a um Pa Pasian in, i khelna-mawnate ahing etpieh/ chiemte pieh lou a, tamte zieh a ithungetna dal a umlouna dinga tami thungetna inei uh ahi. I thungetnate dawn a aum theina ding in eima ah chitna bangma aum vawt sih hi. Amu tah jong ihi sih hi. Hinan leh ahépina jal a ingette ahing pieh ding ahi zaw hi.

Eite nichin a khiel ihi ua, gawtna chilou itan ding bangma a umsuh hi. Pasian ngaidamna tangding iut chiet ua, ngaidam zong ingen dendon uhi. Hinanleh mi ngaidam ding khu sil hamsa mama in ikoi uhi. Ka tung ua khielte ka ngaidam bang un ichi tenna ua, bangzatvei ngaidamna mi ipieta uale. Hamsa isah pen uh ahi leh mitung a kituhlut pen ahi. Iki tuhlut lou leh ngaidamna bangchi tan ding ahiei? ki ngaisut tham ching ahi. Ngaidamna idei ua, hinanleh khelna jieh a kituhlut inuom sih uhi. (We really like the “forgive us” part, but we don’t like admitting “our trespass,” Mangpa ka khelnate hing ngaidam in kou ten zong ka tung ua khielte ka ngaidam bang un kichi moh ua, en mi ki ngaidam zouloupi a Mangpan bang angchi ngaidam ding ahiei. Mangpa thumna pen ngaisun wavi uh sil hamsapi khat ahia, athu ki ngaituo loupi a by hard thu a kimoh gen jengjung, a

thu in bang a genna ut e chi zong ki ngaituo vateh lou. Hoitah in ngiasun lei gennam huai vawt lou ahi. Mite khelna ngaidam zousih nanlei Mangpa’n bangja veipi ang ngaidam ta ei, Aman ikhelnte chiemte lou in a theingil zel hi, hinan leh eiten itung a khielte ngaidam malah a a khelnate uh kichiemte tinten ahi. Nang leh kei a Mangpan chiemte ding hita leh simzou guol hi nonlou ding ahi.

Tuazieh in, eite’n zong itung ua khielte ingaidam ua, a tungua, silhoi-silpha kipah thanuom tah a ibawl ding uh ahi. Itung a khielte ngaidam mai hilou a silpha bawl toh toh thuosawm lei Pasian guolzawlana zong kitang ding ahi. Mangpa ikhiel nate chiemte ding hita leh koi e Amai a ding zouding, koima ki umlou ding ahi. *tung ua khielte ka ngaidam bang un Nang zong ka khelnate uh hing ngaidam*, inichi tah ngal leh mi khielna, bawlkhielte jong ngaidam zouding in Mangpan hing umpi taken.

## **SAMARI KHUO KIELPIA SILTUNGTE**

2 LENGTE 6:24.

*Pastor S.Nengkhanmang.*

Khumbunlai in Samari Kulpi kotkchah phungah mipah pasal li(4) a um a, tua mi phah pasal liite khu gilkiel a siding uh hita! Hinna ding an um, hei a um? Sina pangah um, hoina ding leh hinna ding upna khu bailam tah a munah a um ngaisih a, zauhuoi mun leh gimhuoi upna mun, mun genthei leh hahsatna mun jel ah a um ngai hi. Miphah liiten hinna ding an Surea te Camp ah um chi a thei ua, hinanleh sina thang in a kuolkhum ahi chi amu uhi.

Khum in mipah lii te khu akihou ua, khopi sungah pei leilah an umlou kielpi um sithou thou ding ihia, tammunah tou in um lei lah sithou ding, Sureate Camp ah peilei lah sithou ding, melmaten hing that veve ding, hinna ding mun a thei nawn sih ua, hinanleh sina ding munthum a thei ua, heisung mun pen ah silei ahoi diei ? chi thu kikum uh ahi.

Tualeh kithukim in Sureate Camp ah pei vai in, ahingtha uleh asi himai vai achi ua, asisatoh banglien in apeita uhi. Pasion in bang ahing bawl pieh ei ? chikhu ginna toh angahta uhi. Pasion lemguat penpen lamtuo ding in ki mansa'n a manawta uhi.

Tuabangin Sureate Camp luu ding in galvan bei in a kuonta uhi. awlnou nou in a gem ua, kangnou nou in apei khinkhian uhi. Husaleh thom ging bangma a zasih ua, damdam a thomjah

thamlou khu Pasion in vanpi ging bang mai in a tum gingta a, Sureate te bilzah in sepoy hon tamtah leh Sakol hon gal dou kangtalai honpi ging bang in a zasahta hi. Sureate zau in a kihou ua, Israel Lengpa'n Hitmi te Lengpa leh Egyptte lengpa, eite dou dingin a guoi tahi achi ua, a zau vapiel uhi. Khomiel jul in a ding doh ua, a zau taluot jieh un anneh lai taisan toh; puonah zam manlou toh, galvan zam manlou toh kiteh zengzung in ataita uhi. A sakolte uhlah a up ngai bangin a kikhi a, a sulnuate uh etin azaudan uh akimu thei a, zau seng senga gamtatna limngen a kimu hi.

Khum in mipah liite khu camp sungah a lut ua, puon buhtuoh masah pen ah alut ua, Pasion in amau ua ding a abawl pieh silloupi kidang tah khu amuta ua, ane un a dawn ua, buh dang ah alut jel ua, tuabangma

## *Gospel Tangkou July 2021*

in ane ua, akhamvalte uh aphuol sel ua, agintatna uh sang a thupi jaw anneh seng lou amuta uhi. Tam thu ah thei ut huoi thum a um a amauten gen leh ngai nuom huoi ding hia.

1. Miphah liite khu melmate Camp luu ngamsah bang hagau bang lung gelna adiei?

2. Apeilai un anneh ding leh, anatha ding uh kojawh akinem ding uoi?

3. Bang lunggel, bang ginna mongmong in a kuonsah uh a diei?

Khum bang guoljawlna kidangtah Pasion in ahing bawl khu Lengpate innsungah avatut tah ua, sil um dante avahilta uhi.(2 Lengte 7:10). Tam thu kidangtah khu zanitah a guolnei Elisha in agen anahita hi.(2Lengte 7:15).

Samaria Khopi khu kulbang thupitah nei, muonhuoi tah leh dettah a bawl ahi. Israel Lengpa teenna khopi ahi. Surea Lengpa Benhadad in agalkap honpi toh a imkhum uh ahia asawt sengtah zieh in khopi sungah kielpi a tunga neh ding a um nawnsih hi. Sangongsau, sabiltung lutang Dangka 80 in azua ua, vakhu eh kabkhat selii suo sekhat dangka sekel 5 in a zua uhi. (2 Lengte 6:25).

Khumbang lienga gilkielna

hahsapi, athuoh lai un nupikhat in Lengpa kungah kapkawm a kikou in hing panpi in, achi hi. Lengpa'n banga ka hing panpi ding a hei? Buphuol velna akipat in amah kangpanpi ding, achi hi. Tualeh bange nabuoina achi kia a, ama nu'n a dawnga, tam numei nu'n kakungah tuni in natapa ineh dingin hing tuoh in, zing chieng in kei tapa ine nasih diei? ahing chi a, tuachin kei tapa kahuon ua, ka neta uhi. A zingni in ken, natapa ineh dingin hing tuoh tave le kachileh ama nu'n atapa aphuol mangta hi, achi hi.

Lengpa'n tam thu azah tah in apuon sillai a botkeh a, kulpi dawn a apeilaitah ahia, miten ana en ua, anuoi ah sai-ip puon anasil hi. Tuachi'n, Lengpa alungthah a, agalkap bupa khu guolnei Elisha lutan ding in asawl tahi. Ami sawlpa atunsuh masang in, Elisha in kot nakhah kil unlen na dal un, apupa ketot gin zong anua ah akiza abang in, a chi hi. Tualeh amisawlpa ahingtung a, Lengpa zong ahingtung pai hi. Khum in Elisha in Mangpa thu nangai un, zingchieng tubang hun in Samari khopi kotpi phungah tangbuong neltena khat dim, sekel khat in akizua ding a, Barli butena dim ni, Sekel khat in a kizua ding hi, achi hi. Galkap bupa'n Pasion mipa a dawnga, ngaivawi Mangpa'n vankotta a hong ding amah? Tuabang silte apieng thei ding a



## *Gospel Tangkou July 2021*

diei? achi hi. Pasion mipa'n namit in namu dinga hinanleh na nesih ding hi, achi hi. (2. Leng 7:1-5)

Tualeh azingni in Pasion mipa genbang in, mipah lii nasepna tungtawn in Pasion in amite a dingin sillamdang thupitah ahing bawlta a, Surea Sepoy te Camp apat Antang-tuibuh nehseng lou ataimang san uh a dimpia um khu anawn in anawnta ua, Samari Kuulpi phungah a sie vum tauhi. Lengpa'n galkap bupa khu a vengbit dingin aguot a, mipi kinawng vazungten atuon kha ua achil lumta uhi. (2 Lengte 7:17).

Pasion mipa'n Lengpa kunga zing chieng tubang hunah Samari khopi kulpi phung ah, Tangbuongtena dim khat sekel khat in a zua ding ua, Barli bu tena dimni sekel khat in a zua dingui achi khu a hing tang tungta! Galkap bupa'n Mangpan vankottate a hong ding a diei? achikhu, Pasion mipa'n muvang na mu ding a , neh vang nanesih ding achi khu atangtung tahi.

Miphah liite khu achitung kidah um nanleh a sung lam uh sieng sitset hi. Khopi sung a gilkiel mite leh numei naupang khum zapi an pe ding a hun dam dingin mihoi mi pha duong chingte sang in Pasion in a dei jaw a, atel jaw hi. Pasion in nahoi tah sem dingin mihing mel ah a ensih a lungsim lam a enjaw hi. (1 Samuel 16:7).

Pasion in khum banga nahoitah sem dingin nang zong hing dei hi. Nalung sung siengsah in Pasion in hing ngah zing hi.

Tuni hun chiengin ei haw gingtute lah ah zong kielpi thupitah hingtungta hi lou amah? Gilkiel dangtah leh Andu tuduna kielpi hilou in Pasion thungai nopna leh zah nopna mama kielpi hi. Coronus Virus(Covid-19) Pandamic zieh a kikhawm theita lou hinanlei Bazar lama kikhawm thei , ahivanga Bazar dunga Pasion thugen lasah kibawl thei lou jel hi. Bangchi thu a tadiei! Pasion thu Hagau lam a kielna thupitah tung hita lou amah?

Tuachi ahileh eihaw gingtute in bang ibawlta ding uoi le? Samari khopi kuulpi phunga mipah lii te bang a Pasion zahthei mi hing lii beh um lou ita ding uoi? An ngawl a thum sawm zong i umsih ua, ihagau uh an ngawl a gawng gawp hita lou amah?

Mangpa Jesu'n ka hun anai chieng in thuthang danglam tahtahte, natpi danglamte ahing tung ding hi, achite zong Laisiengthou sungah um a, isim doh sih ua, igen doh sih uhi. Melma papil dan lah solna abang ngaisih a, igalpa sanga ilawm hoipa bangtah in thu agena, na asem a, ijui ua, solna ahi chi ithei chiengun aman ana zou jel tahi! Tuaziehin gingtute mawh tou hun

*Gospel Tangkou July 2021*

ahinawn sih, miphah liite khu mawh tou uleh si ding ahi uhi. A mawh tou sih ua adin doh uhleh khopi sung a numei naupang simsengloute hutdamna Pasian in sil ahing bawl doh mai hi. Pasian

in nang ma zang in silkhat ahingbawl theina dingin na thumna beh lantou in, Pasian in bang ahing bawl ei? Ginna toh ingah ding uhi.

~~~oio~~~

GITLOUNA TAISAN IN

(2 Tim.2:22)

Evan. TK Piang, Youth Promoter

Mangpa hoi nate kitangtou jel in khovel sietna leh buoi nate komkal ah, i umlai in Khanglaite toh houlim khawm nalai a ium thei man un amasa'n Mangpa Pasian thupina ipie uhi.

Laisiengthou tangteel ding in 2 Tim.2:22 ah "Utna giloute taisan inlen lungtang siengtah a Mangpa minloute toh dihtatna ginna itna leh kilemnate del zaw in".

Saultah Paul in Timothy kungah tambang in ana gen hi, "Khanglai utna giloute taisan in", achi hi. Tulai khanglai tampiten itaisan ngamlou uh utna gitloute ahi pen hi. Mi hing khat ah ipienleh utna tuomtuom kinei chiet a, tam utna leh gitlouna kichi i lungtang apat ahing pieng khie ahia, i utna zieh in gitlouna sal ah khanglai tampi imangthai siengta uhi. Khenkhat ten nasep silbawl ding zong donnonlou in eima utna chiet ah ileng ua ihagau leh itahsa nichin hunchin in amangthang hiei hiei hi. Taisan dingte taisan ngamlou in sietna chinteng ah eima utna toh

ikipuisah gige ua, tami ahi Khanglai tampiten puana leh shina zieh in tuni'n khanglaite'n bang ahiei eima utna toh itaisan ding hi. Nang leh kei ki ngaituoh in kiveltha va ui. Tuhun khu nidang hun bang hinonlou in shina, natna kichite apal in apalta a tuaziehin, eite pen Khang vangsie ihita uhi. Isep thei lai pet in Mangpa nasem dingin mansa'n um somchiet vai. Khangtha hatlaite Mangpa'n ang deihi thei kawm in pan latha vai, igamsung sietna leh mielna in apumdim siengta hi.

Mi hing khat ah ipien leh lungtang akinei chiet a, tuami ilungtang in ipumpi a neupen a kipat alien pen tan dong ah vai ahawm khum suoh mabang in gitlouna, utna, kichite nang kungah angpei ahi sih a, nang ama kunga vapei nahi zaw hi chi lam iki thei ngai ahi. Tami

Gospel Tangkou July 2021

itheilou zieh un, utna leh gitlouna a lut khazel ihi bou uhi.

Lungtang siengthou tah a del dingte: Dihtatna ginna itna leh kilemnate delzaw in, Siengthouna kichi Khristiante a ding a poimaw pente lah a khat ahi. Mihingte isiengthou zousih paupau ua, tua siengthou louna pen in iKhristian hinkhuo uh nahpi tah in ahing sunawngkai hi.

Tuazieh in siengthou khu apoimaw pen ahi. Hinanleh Mangpa Pasion in Sawltah Paul tungtawn in Timothy Hat-tuomte kungah tamte del ding in Mangpa'n Sawltah Paul zangin thu anagen chi thu Laisengthou tungtawn in imu uhi. Khanglaite tuni'n ikhanglai hunsung in bang ahiei idel ding kingaituo va ui. Nikhat ni chieng in hatlou leh bawl zou lou hun ahing tung ngeingei ding hi, tua hunchieng in hoinate del zou nonlou ding ihi zieh un tun

ahun um laipet in kipantha kia in Mangpa min lou kawm in lungtang siengthoutah toh dihtatna, itna ginna, leh kilemnate del ding in khanglai zousie Mangpa Pasion min in panlatha kia dingin ikingen hi.

Thu khupsitna : Utna leh gitlounate itaisan ngamsih leh nikhat nichiang in bangma igen theinonsih ding ua, khum hun chieng in a kipelta ding hi. Khanglai tampite eima utna zieh leh gitlouna zieh in khamthei sal ah itangta ua, igamsung le i innsung in vangsietna a kituohta hi. Khuzieh in a hun umlai pet a ikikhelsih uleh Mangpa thangpaina tu a sang a huoise zaw hing tungna lai ding hi. Tua ahizieh in, lungtang siengthou tah a, dihtatna ginna itna leh kilemnate del thei chiet dingin Khanglaite a neupen a kipa'n a lien pentan dawng Mangpa'n hingumpita hen.

~~~oio~~~

---

## **TULKHAT NUOMTHU GENKUM 2021**

*(One Thousand Thanksgiving Year)*

*(Text Romte 15: 4,13, Ps. 39:4)*

*Rev. Hauzalian Manlun*

Laisiengthou vahna, eima leh eima limlanga kimu bang a ikimu chieng un mihing bep ihina uh iki thei ua; Tuana pansan bang chi lunggel ding, bang chi panlah ding leh hinkhuo bangchi zahding dan themkhat inei thei panbep uhi. Mihing hinkhuo pen atheisiente dingin tomnou khat leh buoina vive a dim ahidan zong ithei uhi. (Job.14:1) Pasion in ang siemna san itheisem uleh

## *Gospel Tangkou July 2021*

Ama itawisang thei ua, Ama itawisang theitah chieng un Ama jal zong izouthei panta ding uhi chi'n St. Augustine in kum zabi khatna lai in ana gen hi. Khumbang jel a Pasian in eite pen Ama pahtawi ding a ang siem ihidan itheitel ua, ihinpi chieng un mi lungnop pen ihi zelleng uhi. Teh lam manaw deu deu leh hankhuh lam nichin leh naikal chin a nai deu deu ihilam uh ikiphoh ua ahileh, Spurgeon banga ihatna nei sunteng uh A MANPHA PEN TAH A izah theina ding ua lung igel ngetngut uh a pilhuoi hi, achi hi. Khum khu silkhat maibeh ahia, tuakhu PASIAN PHATNA chikhuh ahimai hi, achi belap hi. Tu'n nuom thu iget zingna dingun point 5 vai tahlang vai.

1) Laisiengthou manphat dan theisiemna in tu leh tangtawn donga sil umsate leh sil umlaite leh sil hing tung dingte nachiang tan a theichet theina hingpie ahiman in nuom thu nikhat in tulkhat vei gen zonglei Pasian in ei chimtahlou ding hi. Tunia itangteel theisiemna maibou in zong Laisiengthou jalla thuoh theina, thuohhatna leh thuoh muolsuoh zouna ang guon hi. Thamlou in Laisiengthou jalma in hamuonna chipen kihe-

nepna leh lungmuonna zong inei zing thei uhi. (Rom 15:4). Tam itaangteel uh itheisiem a, ihinpi ua ahileh kinepna ahing guonzel hi. Tamin kinepna a pumdim theizingna zong ahing pesawn hi. Azieh ahileh i Pasian uh khu kinepna Pasian hi in, a thu zong kinepna laibu hijel in, tamna kinepna amang hoiten vangam kinepna taan vawtsih va uh. (Rom. 15:13) ichi ngam hi.

2) Nuomthu Tulkhat igen ua, igen jingna ding un, Jesu kei din a shi hi, chileh Jesu keima luongin ang kipie hi, chi itheisiem chieng un hing um tahpi hi. (Gal.1:4). Tami theisiemna toh kiton in, Jesu khu bangkim a ibangkim uh ahidan imutoujel ding uhi. A dihtahin, Jesu pen ibangkim ua zah ding a Pasian bangteng ahimai hi. A etsahna mawl pen in, lawm hoi ipoimaw chieng in, Jesu hatzing thei akhu! Ama ahante dingin Aman chitna hau hi. (Rom 10:12). Jesu jal a ibawl zousie ginna leh lametna a bawl ahiman in, midihtat ihizing theita ua, Noah banga dihtatna gouluotu hithei ahita (Heb.11:7).

3) **A thukhitna:** Tulkhat-vei Nuomthu igenna ding uh sanpen i Pu uh Jesu'n ei a dinga bangteng anazaw tahzieh ahi.

## *Gospel Tangkou July 2021*

Khum Aman “Zaw ahita” (It is Finished), achina ah (a) Dihtatna suhbukim hita, (b) Pasion dihtatna khu a lungkimta a, (c) Sisan asuohta a, (d). Tatnaman khu piehkim ahita, (e). Khielna ngaidam ahita (f) kileptuona akimuta (ngata), (g). Shina zaw ahita, (h) hutdamna ngazou ahita chin Spurgeon in agen hi. Thamlou in i Mangpa Jesu’n Kross dawn a azaw na khu eiman zong ngansie thei, masot zing thei, suonpen a nei zing thei. Tami in vannuoi zawna ginna tanpha inei uh hi. (1 Jn. 5:4).

4) Tulkhat nuomthu igenzing na ding uh ahileh Jesu singlamte tungah ashilai in Pasionin Vannuoi pumpi ding in Judate nai (Clock) akholsah tadi phot a, Temple a daltanna puonjah khu akiphalsuo sah a, zilling nasatah a ling in, Nisa leh ha leh aahsite suhmiehl in a um sieng uhi. Tami Pasion silkidang bawl ahi, imitmu un a danglam hi. Khumlai tah in Pasion in Jenteelte ding lungsietna kawt ahonga; Hattuum hun a kipan a, tam lungsietna hun pen misiengthoute lahtou ahizaw chieng ua khah hikia ding hi. chipen Judate nai (clock) suhtawp a um khu, suh hing in umkia van in, Judate kum Tulkhat Lenggam hun kipanta ding hi. Tami atunga ka

thukhupte uh Rev. H Thanglian-kham in a laibu gel apat idea neukhat lah sawn ahi.

5) Tulkhat nuomthu igenna ding uh jiehl pen : Shina imaban uah um chiet zong leh, shina zoupa Mang Jesu inei jiehl un, iha huphul sieng sih ua, gen mawlou in tutung Covid-19 a shi ding a Pasion in ang se zong leh, lung oi tah a pom ding a i um man un, nuomthu genzel vai. Bang ziehl ahiehl ichileh shina zau in ium nonsih ua, lungkham na thei siltuoh niteng in a tul aza um jiang zongleh, tuate tung a Nuomthu gentou jel dingin Laisiengthou in ang hil a, izui un lungmuontah a huntop manthei ahita. ( 1 Thes.5:18) Shikuon laita chienga zong nuomthu gentheih dingkhopa, Pa na isep ua, isepgate inuomman ding a ana kikhawl ahichi itheichiet man un. (1 Kor.15:58).

Tuathamlou in, i Mangpa uh Jesu Khrist loupitah a hingpeikiana ding lametna hing nei mite ihiman un, i lunggel, i umdan, isilbawl, i hunzahdan tanpha kumtawn silte geelkawm in, Ama thakhat thu in hing lang taleh suoh hoi, gin um, nabawl hoi hi, na pu kiphahna ah lutin angchi pawl hidingin kisakhawl chiet vai (Mat.25:21). Mangpa Thupha !!

**KHRIST A DIA HINKHUO  
DANGLAM NGAM**

Romte 12:1,2

~ Founder Editor

Heb. 13:9~“ Thugin chinteng leh lamdanga mut mang in umsih un. Aziehpun lungtang lungsietna a suhkip a um khu ahoi thuoi a; neh dingte zieh a luodim a um lou in, tuachibang lam luodim a umten tuate ah phattuomna a mu tuom sih uhi ”.

**Thumapui :** Tukum i thupi uh genvai : Commentator khatin hichin a chia, (Rom 12:1,2) “Pa Pasian khu A mangtoupah tungah akitou zinga, Tapa Pasian pen Pa ziet lamah atou zinga, Hagau Siengthou Pasian in pen gingtute sapum khu ateenna dinga sisanna aleisa ahia, khumin gingtuten a sapum uh alat siengthou lou uleh Hagau Siengthou pen teenna ding mu zoulou in a leng lele hi, achia. Tami a china pen, Hagau siengthou ateenna dinga mun i awtlou leh isuh lunggim uh ahi. Adieh in Ama(Hagau) khu a thunei sangpen leh avavih pena inei zing ding uh kuul leh poimaw vawt ahi.

Tualeh, “Pasian deidan, ahoi langsung leh ahoi bukim leh pomtah ithei ua, lungsim tha, kipahna tha toh inei zing theina ding un, kilatsieng (consecrate) a angai zing hi.

Aziehpun, Pasian in ilatsiengthoute bou zangthei bep hi. St.Augustin in hichin achi a, “Mi ama leh ama akizaw sieng masie’n Pasian in zangthei tahtah lou hi” achi hi. Tami Augustin ma in “ Mihing hinsan pipen khu Pasian noutawi a, a zalzou a um ahi”, achi hi. Pasian itawisang chieng un ajal izouthei bep ding uhi. John. 21:19 ah i Mangpa’n Peter kungah, bangchi shi a shi in Pasian a noutawi thei ding dan atahlang hi.

**1. Thupi ah neukhat lutvai:**  
I lungtang uh khu utleh hepina ngenin dimsah thei hi. ut leh ann vive in zong a dimsah thei hi. Ahivang in anneh tui vive in dimsah talei, ki letsahna, kideikhopna leh Pasian hepina ngaidauna ah hing tut thei hi. Tuaziehin ki ngiem khieh vai. Hepina kiching inei theina ding un.

## **KHANGLAI DANIEL LEH KUMPIPA ANN**

*Rev. Ngilzakhup,  
DS, Lamka Division.*

*“Hinanleh daniel in Leengpa ann neh ahiei, ahisileh uoin dawn ahiei a kisubua loudin, a lungtang in aum chinten a, tuajiehin michilge te lamkaipa kungah aki subua louna dingin angen tahi.”*

**Daniel.1:8.**

### **Introduction:**

Tukum i kum thupi uh, khrist adia hinkhuo kilamdang ngam chi ahi nato kizoitawn in tam atunga thupi pansan in Pasion thu kikum khawmlei ichi hi, tulai i khristian hindante leh Laisiengthou in gingtu hindan dinga agente ki lebul gawp hitaleh akilawm hi. Christian Ethics leh Ethics of Christians kibang ding hinapi in atuom vilvel tahi.

I Mangpa Jesu a misiengthoute la dinga hing peikia ding ahi chi gingta kichi nanlei zong, tuabang lametna nei gingtu ihina ihinkhuo ua kilang nonlou hi. Igam khristian gam hi ngal in ginglou mi'n bangchin angai di uai? Tulai gingtute khovel leh asung a umte kicimat gawpta in poisahna neilou gingtu ngen, i Khristian hina uh zong umjie umlou abang tahi. Tuajiehin khanglai Daniel hinkhuo apatin saulou en khawm in kivel tha va ui.

### **I. Daniel dinmun apat in :**

Daniel hinkhuo ka et a kasim chiengin thupi kasa mama ah keima mimal hinkhuo hing choutukhat ahi. BC 605 in Babilon Kumpi Nebukadnezar in Jerusalem vasim in azou a, ami suonteng salmat in Babilon ah apaw bei a, tua salmatte laha Daniel zong atelkha hi.

### **II. Salmat Daniel in deisahna tang (1:5) :**

Babilon Kumpi innsunga nasem ding khanglai chitna neite hawlkhiet ding thu hing um in, Daniel zong ahing telkha zel hi. Khanglai Pasion zau mahni kithunun leh kikem siengthoute melmate lah na ngawn azong val theilou uhi. Tuabang Kumpi innsunga nasem dingte hamphatna thupitah pieh ua, Kumpipa neh leh dawn bangbang neh a dawn ding ahi uhi. Tuate pen pilna leh siemna, tahsa hoina belap theina neh leh dawn ahi.

**III. Hamphatna atante Daniel in nual hi :** Saltangte tanding ah kilawmlou ah

## *Gospel Tangkou July 2021*

deisahna tang hinanleh, Daniel in kumpipa ann ahiei, adawn uoin ahiei ah kisubua loudingin angen chinten hi. (1:8) Kumpipa ann abua taluo chi hilou in Daniel in tuote neha dawn ding khu kisubuana in angai hi. Daniel in tuate tengteng apum niel vilvel hi, ajiephen neh leh dawn sangin Jehova Pasion ah pilna leh siemna bukim a um chi athei chien hi. Pasion phatin umta hen. Bangjieh ahi diei Daniel in tambang hamphat nate anuol mai hilou a thanghuoina ah angai, ei tulai khangthahte hilei pen "Aw Mangpa na guolzawl na pha ka bangkim tungah kilang" chie laam a la kidieng nadie hoi hia maw?!. Daniel in a duhlou jieha niel hilou in "**PASIAN HING BIE AHI JIEH AHI**". Babilon kumpipa biepen milim pasian ahia, Daniel bieh pen lei leh van siemtu Jehova Pasion ahi. Milim Biehna ah kizang silte bangza in manpha nanleh Khristian dihtahte ading in silnin leh sienglou ahi, tam neh leh dawnte Babilon sabiehna ah puilut nading ahi chi Daniel in athei hi. Bangchi tuhin tuituoh nanleh Daniel in Neh leh dawn in Pasion Zua utlou hi, Unau daniel gingtu ahina thupi hina lawmlawm e. II Cor.6:15 "Khrist leh Belial in bang kilemna anei uai?" achi a, hinanleh eiten i

gawmkhawm teitei sawm hive hai aw maw!

### **IV. Laisienthou in bang agen ah:**

..... "alah ua kipat hingpawt doh unlen atuom in um un..... a sienglou mawngmawng khoisih un.....(2. Cor.6:17) Gingtute a siengthou dinga hatna Laisiangthou mun tamtah ah imu hi. (Lev.11:44-45; Eph.4:11; I Pet.1:15-16) Pasion a siengthou mama jiehin i lungsim leh itatdan teng ah siengthou ding in ahing hil hi. (Isai.6:3)

### **V. Pasion adin kikem siengthou vai :**

I ngaituo masat dingin Khristiante Pasion tate ihina in Khovel toh ahing khen ei? gingtute ading in utteng gen a, duteng neh leh dawn a um adih thei nadiei!? Khristian ihina bangchi tuhin i ngaisang ei, Khristian kichi utngal , aman (Price) pe ngamlou ngen ihi uhi. Sil neunoute ahi pichin ding leh Khrist adia i lamdang na ding hing dal a hing hatlou sah gige te. " Eima abeh ahing bahsah thei niteng khelnate koimang in Jesu lam en zing tavai". (Heb.12:1-3) Lungsima siengthoute ahampha uh, Pasion muding ahi ngal ua, (Matt.5:8) Lungsima ahing siengthou chiengin gamtat leh khohei ah ahing kilang hi. Numei pasal kal ah, tep leh



## *Gospel Tangkou July 2021*

muom ah, ham kamsuo tan ah i siengthou ding uhi. Pasion zattah ihina dingun i siengthou ding uh ahi. (2 Tim.2:2)

**Conclusion:** Ei Khristiante khovel miten hun chin teng in i gamtat, khoheina, i kampau natan hing enzing ahijieh un pilvan in , i hinkhuo Khrist adia alamdang thei nading in. Nuazui masate'n hat a aum na uh ngaisang in Pasion adingin ana kiko i tuom vilvel uhi.

Daniel akikep siengthou jiehin Babilon Leengpa'n Daniel Pasion chau Pasion dihtah ahi chi'n a phuong khie hi. Joseph Pasion adia akikep siengthou jiehin Aigupta bawlhohi in a um hi. Mosi in Aigupta gou tengteng sangin Pasion atel zaw a, Israelte hunkhepa chi in ana um hi.

***Simtute tengteng a Thu neipa'n hing guolzawl taken.***

---

## **Na Kum Thupi Theichien In**

*“Tam leitung hindan toh kituoh in um sih unlen...na lungsim uh atha a umin hing lamdang zaw ta un.”* **Rom 12:2**

***Pastor Khup Do Khen***

“Leitung” (Greek ham in kosmos)chi kammal pen Setan nasepna leh hun le nite kihen dan tuom tuom te genna jong ahithe i hi. Tam LEITUNG bawlpa Jehovah Pasion toh kizopna nei vawtlou a atuom aupna jong ahi thei hi.

Tami in agennop khu mihingte'n imu thei leh ithei thei a hing kilangh khie gitlouna, pahtatna, huatna, enn na, kisiatna, kihauna, huoihamna, khalvalna leh leitunga um khelnate bawl utna leh khelna bawl jieha nopsah vangutna te ahi hi. Tamte banah Jesu Khrist deina banga um utlouna leh Pasion thu toh kituoh thu-le-la khatpou pou nielna leh

langpannate ahi hi. Tam atunga igente khu ahi, leitung hindan toh kituoh achite khu.Tuhun in Setan in Pasion kammal le Pasion Thuhun te alangpanna dingin, tam leitung hindan toh kituoh ngaisutna, dihtatna, thuthuh ngaisutna, lungsimlam jilna, lunggulna, kivaihawmna, pu-le-pate ngaina, laipilna, khutsiemna, damsah theina zatui-zaha, sum-le-pai mu-

## *Gospel Tangkou July 2021*

theina ding lampi tuom tuom, mipite toh kijopmat dan siemna, kamham, biehnna, kimawlna/kiapmaina, louhawdan siamna chite jang hi. Pasion hagau neiloute adingin theikhen hasa mama ding hi.(Mt.16:26;1Kor 2:12; 3:19;Tita 2:12;1Joh.2:15-16). Tulai in Setan in Zatui lam siemna jangin, anu gilsunga um naungeh a suoh masanga numei ahei pasal ahei chi ettheina leh asuoh masanga thalup na leh kaidotheina jang ta hi. Louhaw singpuoh dan siemna jangin, KANI, khamtheiguithei kihou khedoh ta hi. Lai siemna jangin, Pasion thu hilou, mihingte thubulphu simleivai a thupieng tuom tuom te leh aumsa thute ngaisutna sangtah kipie in, zilna sangtah kinei ta a, kilunglut chiet ta hi. Sum-lepai, neh-le-tah hawm-khiehnate pansan in , Pasion Thutah,Pasion Thuhun leh dihtatnate kitaisan kha leng hi.

Setan pen tulaitah a Leitung Pasion ahi hi (Joh.12:31). I Mangpa Jesu Khrist singlamte tunga ahing shina jiehin, Ama gingtute in Setan tunga guolzawna inehi hi.Setan pen nitopni chiengin Meidil sungah kipai lut ding hi. (Kihylna 20:10). Tulaitahin

setan pen tami leitung Kumpipa leh uhpa(ruler) ahi hi.(Joh.14:30; 16:11; 2Kor.4:4; tekahin Eph.2:2). Tami leitungah Jesu Khrist leh a hattuumte langpan leh nielkal dingin Setan in thuneina nei hi.Tua ahijiehin, "**leitung toh kipawlkhawmna**" jousie Pasion in deivawt lou,a huotvawt, ajahda vawt ahi (Jacob 4:4; 1Joh. 2:15-16).

Tami Laisiangthou bung le tang pansan in misiengthou Paul in thu tampi ahing theitha sah kia kia jel hi.

1. Tulaitah a leitung leh asunga thupieng zousie a nah siet mama ta hi chi pen gingtute'n ithei ding uh ahi.(Nasep. 2:40;Gal.1:4).I teenna leitung khu melmapa Setan thunei na leh vaihawmna ahi hi.(Joh.12:31; 1Joh.5:19).

2. Eite khun, leitung nopsahna te tungtawn a hing uhkhum leh hing vaihawm khum '**Hagau giloute**' thu iniel ua, ilangpan ding uh ahi. Tami leitung thu te pen dihtatna toh Jesu Khrist tungtawna ilang pan jing ding uh ahi(1Kor.1: 17-24).

3. Siatna jousie itai san ding uh ahi. Sil hoi silpha idei ding uh ahi.Gingtute in ikiim-le-pam a um jing huoihamna, angsung

## *Gospel Tangkou July 2021*

khualna, ki uohsahna, thuneina ding ahidan iLaisiangthou in leh dinmun sangzaw sem inei hing hil hi. Tahsa pumpi khat theina ding ahi pou leh leitung sungah Hagau Siengthou leh thu toh kituoha peina, huana leh dawiloute tengkhawm thei kingaina, silhoilou lam a him him lou ahi(2Kor.6:15-16). Ahivangin, Hagau Siengthou kilunggulna, zu nehna, leh kipui sahlou, Hagau Siengthou leitung toh kipawl khawmna mapui na zui utlou Khristiante chituom tuom te iki thuzaw sah khu, a ngaituana uh lungsim leh mong mong lou ding ahi. agamtatnate jousie uh Dawi

4. I lungsim, ilunggel, ingaituonate Pasian deina toh aki tuoh theina dinga, Ama kunga I aap khieh ding ahi. Tuabang ahichieangin, **ilamdanna** khu miten ahing muthei pan ding uhi (1Kor.2:16; Phili.2:5). Pasian kammal Lai-siengthou ma ma isim ua, ilungsim tawng-kulthuh pen a ingaisut tawntung ding uh ahi.(Late 119:11;148; Joh.8:31-32;15:7).

Setan pen tulaitah leitunga thunei vaihawm ahi jieha gingtute'n Khrist a hinkhua lamdang izah ngamlou un ahi dan, ithei chien sem na dingin, gingtute leh dawiloute tungtang sau jaw deu in suut vai.

### **GINGTUTE LEH DAWI GILOUTE**

1. Mi koi hijongleh, gingtu tah tah ahi nahpou leh asungah Pasian Hagau Siangthou ateng ding hi.Tuabanga gingtu khat, asunga Pasian Hagau Siengthou teng ahitah man in, dawiloute mong mong asungah lutthei lou

ding ahidan iLaisiangthou in hing hil hi. Tahsa pumpi khat sungah Hagau Siengthou leh dawiloute tengkhawm thei him him lou ahi(2Kor.6:15-16). Ahivangin, Hagau Siengthou kipui sahlou, Hagau Siengthou mapui na zui utlou Khristiante khu, a ngaituana uh lungsim leh agamtatnate jousie uh Dawi giloute'n thunei khum ua, vaihawm khum uhi (Matt. 16:23; 2Kor.11:3,14).

2. A loupimama Setan leh agalkap honpitem tunga ithunei theina dingin, Pasian in ahing thuchiamna aum jing hi. Ama uhte toh iki sukhahna pou ah, Hagau Siengthou silbawltheina janga hagau gal idou ding uh ahi. Eite kisiat-kibal na dinga, eite tunga Setan thuneina khu isuhsiat dim dem ding uh ahi. (Lk.4:14-19). Tam banga ibawl chiengin leh Khuamial thuneina apat suohtatna anga ihi bep ding uhi.

3. Mk.3:27 sunga gentena thu toh kizuiin, Setan pen ilang pan tin ten ding ahi.Tam Hagau galdouna a ipoimaw vot uh thu thum aum a, khumte khu:

4. (a) Vantunga um ipa Pasian deina toh kizuiin, Setan pen ilang pan ua, idou ding uh ahi (Lk. 4:14-19).

*Gospel Tangkou July 2021*

5. (b) Thumna leh Pasion galvan zousie isuhsiet theina kammal te ikam mama ua dingin, ei gingtute'n, Pasion in genkhie kawma, dawi giloute ahing pieh galvan hiem mama solna leh zeetna galvante nei ihidan ithei ding uh ahi (2Kor.10:4-5).

(d) Pasion gam lungdamna thu gen in vah kawi kaawi in (Mat.4:23; Lk.1:15-17; Nasep 1:8; 2:4;8:12; Rom 1:16; Eph. 6:15).

6. (c) Jesu Khrist agintatna jieh ua ngaidamna leh Sienthousahna atan theina ding un, Setan in athuneina toh ahentom/khau toh agaahchip mite khu ihutkhieha ilahdoh ding, Pasion kunga ipieh ding uh ahi. (Lk.11:22; Nasep.26:18).

(e) Jesu min avanglien in silbawlthei tah ahi chi muong ngam in (Nasep. 16:16-18. Pasion kammal jang in (Eph.6:17). Mangpa Hagau Siengthou pansan a thungetna (Nasep 6:4; Eph.6:18; Anngawl thumna toh(Mat.6:16). Dawi giloute nawdohna (Mat.10:1).

7. Tabanga gualzawna inga thei na dingin, tam anuoia banga mizousie ikal suan ding uh kul le poimaw ahi:

(f) Khelna jieha mi mangthang hina, dihtansahna leh ahing tungding vaihawmna (Joh.16:7-11). Mangpa Hagau Siengthou in ahing theisah theina dingin, atuam vil vel in thungetna nei in.

8. (a) I doute khu tahsa leh sisan ahi sih a, vanmun a hagau gilou umte ahi dan ithei zing ding ahi. (Eph.6:12).

(b) Pasion adingin na hinkhuo pekhie in len, Ama thutah leh dihna khut sungah khautah in ki aap in (Rom.12:1-2; Eph. 6:14).

(c) Setan uhna(rule) na sunga ama lalna leh thuneina pen aki chimzah thei, akisie dimdem thei leh phiet mangthei ahi dan theichien in len gingta in (Nasep.26:18; Eph.6:16; 1 Thess.5:8). Tuabanah Setan

(g) Sillamdang bawlnate, hamdang a hamnate leh china damsah theina sithawnpiehte tungtawn in Hagau Siengthou ahing kilah khiet theinate na tan theina dingin, na lungtang zousiie in thungen in (Nasep.4:29-33;10:38; 1Kor.12:7-11).

# *Guoltungtuonna*

**Rev. Nengkhanlal Milun**  
*Director of Ministries*

Guoltungtuonna ichi chieng in, mi taangpi toh kibanglou, zattuomna bang ahieikhat neina leh khumi I silnei pen midangten ahing enthei ding china ahi.

Pasian in nang pen mi taangpi bang a ahing siem na hisia, midang toh kibanglou deu leh zattuom deu a ahing siem na hi mabangin, keipen Pasian in a tungtuong ding, a siemtuom ding leh midangte toh kibanglou leh chituom zattuom mawngmawng a ahing siem na hila manghil ngaisin.

Leitung a um mihing a millionte lah a khat na hi mai hilou in a billionte lah a khat na hia, khumte zousie laha achituom mawngmawng a koima toh kibanglou dia siem na hi lam theizing in.

## **Mite theipha khat hi ding ki lunggul chiet hi.**

Leitung a pieng michin in ama khu midangte zousie'n a theipha mikhat hi ding a lunggul chiet uhi. Midangte theipha hi ding na lunggul mai hilou in khumbang mi hi ding zong na poimaw pen khat ahi nalai hi.

Ka taten naupang neu nounou ahilai un, bang ahieikhat abawl chieng un, ahisihleh puontha khat vantha khat a nei chieng un **“Pa en aw, pa en aw”** ahing chi ua, khumi pen michin lunggel leh

deina ahi chiet hi. I hina zousie midang te'n ahing thei ding I utchiet uhi. Aziehpun khumbang a mite theipha ihina khu **I guoltungtuonna** uh ana hizel hi.

I nei leh lamkhiat zousie midangte a banglou deu a tuomdeu, mi koima nei ngailou deute hihen len, zattuom deu in midangte lah ah kilangkhe theilei iutchiet ua, midangte zousie tung a leen ding guoltungtuonna khat tei nei ding i lunggul chiet uhi.

Khumbang ahitaleh, **Guoltungtuong** a I um theina ding un bang a poimaw diei? Laisiengthou apat en va ui.

**1 Khangthute 4:9-10.**  
**Tualeh Jebez khu a sanggamte sang in a zatathuoizaw a, tuochin anun Jabaz ahisah hi, “lunggimtah a ka nei ahiziehin,” achi hi.**

*Gospel Tangkou July 2021*

**Tualeh Jabez in Israel Pasian ahan a, “Aw hing guoljol inlen, ka teenna gam hing liensah in, na khut in hing umpi henlen, sil gilou lah a kipat hing kem in, ahing lunggim sahlouna ding in” achi hi.**

**1 Khangthute bung 1-9 sung ah Khanggui sutna min 600 bang akiguolsuh detdut hi. Mihing min 600 kiguolsuhte lah ah Pasian in Jabez a tuomdeu a kithei (special recognition) nei ding in a siemtuom hi.**

*Laisiengthou sung pumpi ah tam mipa kigelna taang 2 (ni) maimai a umgiep hi. Ahileh:*

1. Bangzieh a Pasian in tam mipa khu a tuom dawkhiet ahi diei?

2. Kum 4000 val pumpi amin kepbit ahi theina ding in Jabez in bang e a bawl?

3. Bang in ama khu midangte tung a ahisah thei e?

**“Jabez khu a sanggamte sangin a zatat huoizaw a amin ding in anu in Jabez lunggimtah a ka nei ahiziehin” ana chi hi.**

**Tampa (Jabez) thuumna enzual vai:** A thuumna khu a selfish tah ahi.

1. Hing guolzawl inlen ka (teenna, thuneina leh vaihawmna) gam (territory) hing liensah in.

2. Na khut (silbawltheina) in hing umpi henlen

3. Sil gilou lah apat hing kem in (ama leh ama ki kembit zoulou ding ahidan kithei).

**Tampa (Jebez) hinkhuo apat thuguh (secret) 3 (thum) muthei a um hi.**

1. Tupna thupitah nei mi ahi (Great ambition).

2. Ginna a khangtou ahi (growing faith) leh

3. Chitahna toh lungsim tawng apat thungetna (Genuine prayer) = really coming from it’s reputed source = from the heart.

**Tupna Thupi:**

**“Ka tenna gam hing liensah in.”** - Midang tampite a ahina uleh a nei leh lam toh lungkim, huntawhsa (content) a aumlai un, Jabez in huntawh salou. **“Hing guoljol in.”**

1. Sil lienzaw dang khat ka deibe nalai hi.

2. Ka hinkhuo ah sil zattuom deu bang ahiei khat ka bawl ut be nalai hi.

3. Midangte toh kibang a zattuomna bangna neilou a um ding ka utsih hi.

**Tulai mi tampite umdan leh I hinkhuo uh:**

1. Tuitung a kilaam singte (leaf) bang a anawna ding zong theilou.

2. I kilapna tuisung a tumthei ding a zong ki koilou.

## *Gospel Tangkou July 2021*

3. Tup na leh ngiimna kichientah neilou – maban a ding *plan* bangma neilou.

### **Guoltungtuonna nei theina dia Tupmun leh ngiimna kichientah inei theina ding in:**

1. Lunggulna (dream) nei ding ahi: Lunggulna (dream) neilou mi khu tui tung a laam napate (leaf) bang ahi.

2. I lunggulna tawpsan lou ding ahi: Lunggulna kichientah nei napi a tawpsan mite khu lammang (lost direction) ding ahi.

3. Tupmun (Goal) kichientah nei ding: Tupmun (goal) kichientah neilou mi khu a tai koikoi ding a, midangte sang in zong a gimzaw ding hi. Hinanleh zong zotna ding

tunna ding kichien neilou ahiman in ahina ding tah ah tung theilou in a lawsam ding hi. Hinkhuo a tupna neilou, challenges bangma neilou khu a chimtahuoi (boring) hinkhuo ahia, a lawching ngaisih ding a, GUOLTUNGTUONA zong a neitheih ngaisih ding hi. Tuaziehin, guoltungtuonna hinkhuo inei theina ding in Tupna thupitah nei in khum mun tuna ding lunggulna nei va ui. I tun masang in a hing buoisah thei leh ngaituona lamang thei sil tuomtuomte apat ki hemkhie in, a valai ah tawpsih va ui. Tualeh, tupmun kichientah nei ihiman in Pasian kung ah chitahtah in thumna toh ngen va ui.

Mangpan simtu zousie hing guoljol chiet ta hen.

## *What Doth God Require Of Us!*

*Rev. Haozalian Manlun*

Micah 6:8 ~ “He hath shewed Thee, O man, what is good; and what doth The Lord require of Thee, but to do justly, and to love Mercy, and to walk humbly with Thy God”.

What is good ? Ans: Ps.92:1-2.- “It is a good thing to give thanks unto the Lord, and to sing praises unto thy name, O most High.”

To shew forth thy loving-kindness in the morning and thy faithfulness every night. In I Chronicles 23:30 ~ We see king

David appointed Levites to give thanks and to sing praises every morning and every evening because our God deserves all thanksgiving and praise from His people. The reasons for Thanking and Praise Him is that He is good, His mercy endureth forever. He is O Thou that

## *Gospel Tangkou July 2021*

inhabited the praises of Israel, His people - Ps. 22:3.

Let us consider ourselves to have sinned when we failed to give thanks unto God and acknowledge His faithfulness every night. We were to recognize His goodness and faithfulness in protecting us from harm and danger. He healed our diseases. He satisfied our mouth with good things. (Ps. 103:1-12).

The reason why we must give thanks to God is : That He judges righteously - Ps. 119:62, 164 at least 26 times in this Psalms mentioned about his judgement i.e. I hope for your judgement. I wait for your judgement. I fear your judgement etc. At last, the Psalmist committed himself to praise God seven times a day. The same you and I can do that.

Moreover when we meditate the book of Nehemiah 9:3, 12 and 19, we have seen the people of Israel assembling themselves together to read the word of God, six hours and another six hour they worship and confess their sins. When God's people obeyed His Word, He will definitely send revival in the midst of His people. Because He is The God who gives strength to Israel, His people. Ps. 68:35.

The following verses 12 & 19 of Nehemiah Chapter nine talked about the pillar of cloud by day and the pillar of fire by night signifying the abundant availability of the Holy Spirit to lead God's people even at this age. Praise the Lord!

### **Expository note on Eph.6:18**

“ Praying always with all prayer and supplication in the Spirit, means a Spirit honouring and believing prayer guided by its faith and hope. It has to be associated with and earnest prayer such as groaning with words which cannot be uttered. Spurgeon says, “Groaning which cannot be uttered are often prayers which cannot be refused by God”. Here the supplication would imply pleading the merciful kindness of God in concerning the thing we asked. E.g. We plead for the healing of a Covid patient. We plead for the salvation of a loved brother or sister. That the Lord would awaken them to see themselves as God sees them and thereby God would grant a repenting heart to trust. His saving grace, “and watching thereunto with all perseverance and supplication for all saints”. We should pray patiently and wait watchfully for God's answer, God



*Gospel Tangkou July 2021*

knows the need whether it is inline of His will and plan. If it is according to His will, He grants the petition we asked for. Especially God wants us to intercede for all saints. When we intercede for all saints, God the Holy Spirit is so pleased to bless His obedient believers.

He will definitely grant the desires of His faithful saints. God loves His saints. God honours the prayer of His

saints. God cares for His saints. That is why God says in I Peter. 5:8, "Be sober, be vigilant; because your adversary the devil, as a roaring lion walked about seeking whom he may devour" Here the word be sober & be vigilant are equivalent to "Be prayerful, be watchfull too". May our good Lord speak afresh to each and everyone of us through this humble message. God Bless all!

---

## **LUNG MUANGMAW UH SIH DING JAU IN NAN LEH PELTHEI HILOU**

*By Pastor T. Lamgen*

*"Sina khau hual ten ahing vial a siol nat na ten ahing man a lungkham na leh dA na ten ahing Tuam hi."* Sam 116:3.

### **Thumapui:**

Tutung ni 50 vel si thei ding khop nat na thuah a kalup lai a pasian in Sarmon ang pieh te lah a khat kang Kum khe ut hi. Mihing a ding a vang siat na sang pen leh ut huai lou pen khu bang adei chin ki dong d hilei , si na ahi chin mi tampin ki dong ding hi. Ajieh pen vang siat na dangdang ituah chieng in banglaw sing idam nah pou leh khat vei chieng chin ki lungmuong thei hi.

Asi te ading in kinep na ding um thei nonlou hi. Tesia bangma sem jou nonlou a ut na mun jong tung jou non lou a du uh jong ne jou non lou te jong si sang in hin nalai ding ma ut tentun uhi. Tuazieh in sithei ding khop nat na ituoh chieng un siding jau in lung muong-

maw in ki um hi. Tua komkal ah Corona a si khah ding khu a ut huai loupin hing suah son son hi, tam si na toh ki pel tei tei sawm in government te lamkaina in pawlchin khotang hattuanthe leh mimal chin ibuai thang ta uh hi. Sina toh kipel sawm a i kiveen dante uh

*Gospel Tangkou July 2021*

khatvei en tha in, ngaitua tha kia vaa uii lamkai te ibit jou tah tah na diang uai, Government in mi 50 sang a tam jaw kipunkhawm lou ding achilai in Hattuum member 50 chinglou te jong biehin kai khawl, nopna leh daana mun a mi asang aza a sim kikhop khawm khoh kisalou, biehin ah mi asawm asim kikhop ding ki phal lou, mi koitobang khat in vang biehin kailou in kum bangzat um nanleh khoh asa mongmong sih dinga, mi pawlkhat in vang khoh a sa mama ta hi. Si ding zau in biehin kailou zen in heisung mun ah kibu nanlechin na um na mun mun ah si na um ahi chi manghil sin.

Sam 49:14 si na khu belam chin banga hing ching tu a pang ahi. Sam 89:48 koi ahei si na mel mu lou ding kivenessiam zieh leh kiven jou zieh a si lou ding hita leh doctor te leh mi Hausa te kiveng jou in kiveng siam ma ma ding uh hi Sam 49:1-10 mi neu leh mi lian a jong leh a hau ten aki bang in ngai un mipil leh mi moo te asi tuah tuah uh hi,

Job 30:23 mijousie a ding a ki guotsa sina khu ipel thei sih ding uhi, epel thei lou ding si na toh kipel tei tei sawm a panla a i kalsuanna ten misi khua lam ni chi'n juon jing hi Prov 5:5. I

maban ah tuhun sang a huaisie jaw natna leh sina hing tung ding i maitua ding uh Laisiangthou in agen loh sa um nalai hi.

Sam 78:50 mite hinna khu natna hitpi kunga pieh khiet ahi chieng in Jer 9:22 misi luang te gamlah ah sil dei lou kipai te bang in alum ding ua, bu atte nua a buphaite abang ding ua koi man akhawm sih ding hi chite ahi nalai hi. Tuabang thuten sildang jau na leh lung muan louna mi chin tung ahing tun hi.

Tam sina jau a ilung muan-mawna apat bang in ang lung muangsah thei dei? Thu in ang lungmuangsah thei hi. Johan 1:1 Achil in thu a um a thu khu pasian ahi pasian thu khu ei te hing hamuan ding in aching ahi Johan 14:17 tua thu khu thutah Hagau ahi.

Johan 14:1-2 Na lungsim uh mang bang sah sih un Pasian gingta un len kei jong hing gingta un kapa in ah umna ding nempi aum hi, umlou hileh inghil tavang, Mangpa Jesun achi hi,

Tulai Christian atam jaw in Pasian sang in leitung kumpi vaihomte i gingta jaw ua, i Mangpa Jesu thupiehte sang in kumpite thu pieh ijui zaw uh hi. Tam si lungmuan na kichi khu mi jousie kung a um hilou in

## *Gospel Tangkou July 2021*

Pasian gingta a atapa Jesus Christ a hundamna tangte kung bou a um ahi. Eite koite ihi uaile Rom 6:8 eiten Christ toh ishi khawm leh Ama toh ihing khawm ding chi i gingta hi. I Mangpa Jesu Christ a hundamna tangten tam leitung hasatna leh sat shi leh man na atuoh sih ding i chi sih a, bang hasat atuoh jong un Pasian neiloute toh kibang lou ding hi ajieh pen Pasian in thu in Hagau nasep na in amau hamuon ding ahi man in tham lou lei tung a gal lienpen sina na ngon jong jau lou kei in amai tuo ding uh hi.

Nasep 7:54-60 Stephen vaihawm te mai ah adin lai in Jesu khantanhoi thute hang-santah in agen a, Tapa leh Hagau doudal shakhuo lamkaite'n tha ding a suong toh a selai un Stephen si ding jau in alung muongmaw sih hi. Aziehpen igen sang in Pasian in Thu leh Hagau tungtawn in aumpi a, a hamuon ziehin zaulou kei in sina amaituo ngam hi. Buaina gal ah khopi nuomtah a um, tua mun khu Jesu ten na khopi ahi.

1 Kor 15:19 eiten tu damsung ading giap a Khrist kineppi i hisih uhi. Gamtha gamnuom jaw um tuami kineppi ihi uhi. Ahileh tam corona apat kiven lou ding ahi diai? Kivenglou ding i chi sih a,

hinanleh Hagau hinkhuo suse jen ding leh Hattuumte nuoikiet ding khop a kiven pen Pasian alungkim na diai chi ahi. Heb 2:14-15 si ding jau jieh a damsung sal a tangte suotat sah ding khu Pasian siltup ahi sih ding jau a, damsung saltang den ding in i Pasian in eite hing phallou hi. 1 Kor 15:54 jawna in sina khu avaljou ta achi ahi ngal a.

Conclusion: Lungmuong maw uh si ding jau in nanleh pelthei hilou. Tahsa si na ipel thei sih a hinanleh si ding jauna toh ikipel thei hi. Luk 22:42 i Mangpa Jesu gethsemani huon ah si ding jau a athum thumlai in vansawl-sieng khat akung ah ang kilah a, si ding jauna anei nonsih hi. Anei ten athei ding: Tahsa lunggelna nei hun sungin leitung na heng la dinga na lunggel Hagau a suhlamdang ahing hi chieng in van hoina in ang hip dinga, tuani chieng in Hagau mit in na tunna ding mun nuamjaw na hing mu ding a, Hagau lunggel a anop ding dan na hing geldoh chiengin lei gentheina teng hengla a shi ding jau a na muonmawna teng abei ta ding hi.

Simtute jousie si ding jau a na lungmuanmawna teng uh Mangpa'n lungmuonna Hagau in hing umpi chiet ta hen.

## *Gospel Tangkou July 2021*

### **LAUNCHING OF SUSTAINABLE LIVELIHOOD PROJECT**

Dt. 15/08/2021 Ni'n Sustainable Livelihood Enhancement Project (SLEP) honna leh Pasiang kunga kipathu tutna vaiguon saia, tam hun ah Bishop in Project peidan leh kimu dan tomkim in genna nei masa hi. Vaiguon hun ah Shri Pawan Yadav IAS, DC Churachandpur leh Shrimati Mannuamching IAS, DC Pherzawl ten Chief Guest leh Special Guest in pang uhi. Shri Pawan Yadav IAS in Launch bawl in tomkim in thugenna nei hi. Tualeh Shrimati mannuamching IAS in chitah leh ginumtah a Project peipi ding in hasotna thu gen hi. Tualeh, Launching Program zou in Staff Induction training nei ahia, Ms. Esther Chongthianmawi, Asst. Prof. Mr. T. Zamlunmang, Dist. Mission Manager, MSRLM leh Upa S. Zamkhanpau, Project Manager ten Topics tuomtuom pansain in staff te training pieh uhi.



### **VONDEI SAULIIM 1ST GRADUATION**



Pa Pasiang mapuina zal in Vondei Sauliim chi a, tagate kepna pen peitou zel in tuni Dt. 9th July 2021 ni in a khat veina dingin Vondei Sauliim Graduation Day, MELC HQ Church ah Bishop lamkaina in kijang hi.

#### **VDS Graduation la teng-**

1. Esther Nianghoilam Cl-XII
2. Benjamin Thangchinlian, Cl-X
3. Samuel Gousuanlal Class-X
4. Thangsuannlian Cl-X pass te ahi.

VDS a dinga a khatveina Graduation hing zangzah i biah Pasiang kung ah lungdam thu itut hi. Tualeh tomngaina leh hepina zal a khollou a VDS a dinga sum-leh-pai, tha-leh-zung hing seng teng teng tungah zong Pasiang min in kipathu i gen hi. Maban ah zong thanuamtah a pan latha chiet dingin ikingen in ikichiel sonson uhi.

## SUUNNA

### PA M. THANGKHOSIAM ZOU

Pa. Thangkhosiam Zou ahileh Pa Thangchinpau leh Nu Chingnu te goutan tapa lina ahia, 14th July, 1983 in T. Vajang Khuo ah apieng hi. Ama'n pienpi sanggam pasal 5 leh numei 1 anei hi. 2008 in Chingdeimoi d/o Pa M. Mangchinthang leh Nu Deiniang toh ana kiten ua, Pasian apat gil a ga goutan ta pasal ni (2) anei uhi. 2018 In Delhi Govt nuai a Jr. Asst. Grade - IV (DASS) Irrigation & Flood Control Dept ah sepna mu in, a shi dan dongin asem hi. Ama ahileh Dehli Lutheran Church ading a mi poimaw mama ana hi a, tam anei abang in panmun ana nei hi.



1. 2010 - LCC Member, Chairman LYF.
2. 2012 - Vice Chairman, LCC.
3. 2013 - Chairman, LCC.
4. 2014 - Vice Chairman, LCC.
5. 2015-16 - Secretary, LCC.
6. 2017 - Joint Secy, LCC.
7. 2018 - Chairman, LCC.
9. 2019 - Treasurer, LCC.
10. 2020 - Treasurer, LCC/Acting Chiarmen, LCC.
11. 2021 - Chairman, LCC.

Date 28th July, 2021 9:00 PM ding vel in vangsiet tuoh in Bike accident in AIIMS Hospital ah puolut ahia, hinanleh a liemnate zieh a dam zou nonlou in a it a ngai a zi atate, a innsung mite, a khuo atui leh a hattuomte nuasie in ana asepa Pasian kunga khawldam dingin ahing peisan ta hi. Tambang vangsietna a tuahna tungah MELC in i suun mama ua tam Gospel Tangkou tungton in i SUUN thu uh i phuong uhi. Pasian Hagau in a nuasie azi ata, a innsung mite leh a Hattuompite hamuan in umpi zing in hamuon tachen.

## **SUUNNA**

### **Upa (L) THENKHOTHANG @ BUONGA**

**Upa Buonga S/o (L) Kholkhoseh** leh Pi Niangsih te tapa ahi. Ama ahi leh kum 1946 in Suongkuong Nungba Dastrict ah apieng hi. Leijangphai MELC a ding a Upa masa pen ahi. Ama ahi leh KCC hattuom in Belampu ding in ordained ana pie uhi. Leijangphai khuo a ding in MELC founder khat ana hi a, December 18, 2011 MELC Leijangphai hattuom a ding in Upa Thongzaduo



Moderator MELC in phuonkhietna/namdetna a bawl hi. 2011 apat in 2014 tan Local Chairman in ana pang hi. Hattuom sung ah kum 6 asepe jounua in Upa Pension 10<sup>th</sup> December 2017 kum in la tahi. Ama ahi leh Upa muonhuai miham tamlou ahi ban ah hattuom ngaisah mi ahia, ahi theina tan ah hattuom a ding in ana pang zing mikhat ahi. Tam bang a hattuom upa muonhuai khat in ang beisanna tung ah MELC in nahpitan in aki suun a, tam Gospel Tangkou apat in isuun thu uh ipuong uhi. Anusie a hattuom mite leh a Innsung mite Mangpa'n hamuonna peta hen.

### **NGETNA LEH THEISAHNA**

I kitheisah ut ahileh, Gospel Tangkou Fees Kum \_\_\_\_\_ tan a nabat tah ziehin Cashier/Circular Manager khut ah hing peta dingin theisahna ka hing bawl hi. Cashier Receipt Book a pat a akimulou ziehin, na bat za uh Rs. \_\_\_\_\_ ahita hi. Tualeh, khochin hattuom in Rs. 1500/- tuoh ding kichipen zong apenailou te'n hing peta dingin ikitheisah uhi.

Tunitan a hattuom a Rs. 1500/- hing pe nailoute tam anuoi ate ahi uhi.

- |                 |                |                   |
|-----------------|----------------|-------------------|
| 1) Tuining      | 2) D. Jangnom  | 3) Singheu (1380) |
| 4) Mata Mualtam | 5) Tonjang     | 6) N. Leitan      |
| 7) Ngulzenveng  | 8) Kullian     | 9) T. Vajang      |
| 10) Jangnuom    | 11) Zou Bethel | 12) Saite         |
| 13) Leijangphai | 14) Suongphu   |                   |

**H. Khaikhogin**  
Circular Manager  
Gospel Tangkou, MELC Office

## Patron Memberte

- |                                |                               |                                 |
|--------------------------------|-------------------------------|---------------------------------|
| 1. (L) Upa T. Chinzakhai       | 56. (L) Upa Pumzagin          | 111. Pu T. Samuel Tualminthang  |
| 2. Pi Warlita Manlun           | 57. (L) Rev. Khaamthang       | 112. Evan. T. Dongzalam         |
| 3. Pu M. Khamzaming            | 58. Pu T. Lamzagin ASC (Retd) | 113. Upa Paukhosuan             |
| 4. (L) Upa T. Gougim           | 59. Upa S. Kammang            | 114. Pastor Ginsuanthang        |
| 5. Upa M. Kaichinkham          | 60. Pu L/Nk Mangchinthang     | 115. Upa M. Khupkhanhau (Retd)  |
| 6. Pastor P. Vungzathang       | 61. Pu Pumkhanmang            | 116. Pu M. Haukholian           |
| 7. Pu P. Chinzakhup            | 62. Upa Tunzagin              | 117. Pastor Chinlunmang         |
| 8. Pi Chinnu (Mrs. Gouzadou)   | 63. Pi Zengaihniang           | 118. Pu H. Khaikhogin           |
| 9. Upa D. Khupsuanpau          | 64. Pu Chinsuanlam            | 119. Pu T. Chinkhohau           |
| 10. (L) Pu Thangkhanlal        | 65. Nu Kangnu                 | 120. Pastor Khupdokhen          |
| 11. Upa M. Jangkohau           | 66. Pu Genkapthang            | 121. Pu Khamkhanhau             |
| 12. Pu T. Gouzalal             | 67. Pu Paul Henkholal         | 122. Pi Linsuanchiin            |
| 13. Upa Jangkhogin             | 68. Upa Nengkhenthang         | 123. Pu Tutzamung               |
| 14. (L) Upa M. Khamzathong     | 69. (L) Rev. P.K. Khama       | 124. Pu Dongzakam               |
| 15. Pu H. Thangmang            | 70. (L) Pi Nuamneikim         | 125. Upa Thangchinhang          |
| 16. Pu M. Ginzasuan            | 71. Pu Dr. David Vumlallian   | 126. Evan. Thangkhanpiang       |
| 17. Pu M. Kailam               | 72. Upa Ginzalam              | 127. Pi Goikhanman              |
| 18. (L) Pu T. Soiminthang      | 73. Rev. Kamminthang Tungnung | 128. Upa Zamkhosuan             |
| 19. Pu S. Suankhothong         | 74. Rev. Thangliankham        | 129. Pu Jamchinpau Samte        |
| 20. Pu S. Tunsuanhang          | 75. Rev. Nangkhanlal          | 130. Sya Tunzalam               |
| 21. (L) Pu Hauchinmang         | 76. Sya Dongzapum             | 131. Evan. D. Ginpu             |
| 22. (L) Dr. Upa Tongkhokai     | 77. Dr. N.D. Samte            | 132. Pastor Khamkhenthang       |
| 23. Pu T. Ginzamang            | 78. Pu Sienzathang            | 133. Upa Chinsuanpau            |
| 24. Pu T. Goupau               | 79. Pu Sheshei                | 134. Pu P. Tunzamang            |
| 25. (L) Dr. Lampu              | 80. Rev. S.K. Manlun          | 135. Pastor Kamneithang         |
| 26. Pu P. Sanjeev              | 81. Pu Hauliankap             | 136. Mother Nuamzavung          |
| 27. Upa P. Kamzadou            | 82. Pastornu Niangzadim       | 137. Upa Thongzalam             |
| 28. Dr. Ginniing               | 83. Rev. Ngilzakhup           | 138. Pu Kaikhankap              |
| 29. Upa Lt. Col. Thongzadou    | 84. Pu Hausuanthang           | 139. Ex-Sub. Upa Kaichinpaup    |
| 30. Pu John Zamkhomang         | 85. Upa Khamchinlam           | 140. Pu Ex-Hav. Thangzakhup     |
| 31. Pu M. Lunkhoneh            | 86. (L) Khaiminlian (13 yrs)  | 141. Upa S. Suanzakkham         |
| 32. Pu Kapzaming               | 87. Upa H. Khamzaming         | 142. P. Chinminthang            |
| 33. (L) Pu Hauchinthang        | 88. Pu P. Sienzadong          | 143. Rev. Retd. S. Nengkhanmang |
| 34. (L) Upa S. Khamzalam       | 89. Pi Neikhokim              | 144. Pu T. Lianchinlam          |
| 35. (L) Upa Sub. Lianchinmang  | 90. Pu Hausuanlam             | 145. David Kapsuanmung Zou      |
| 36. Upa S. Zamzalam            | 91. Pu Ginminthang (Gigin)    | 146. Nh. Vunghauniang           |
| 37. Pu Khamzaton               | 92. Pu Khupminthang           | 147. Tv. Goumuankhup            |
| 38. Pi Nemrang                 | 93. Nu Lhainei                | 148. Khupno Tombing             |
| 39. Upa Tuahchinhau            | 94. Rev. Kamminthang          | 149. Ginshanglian Samte         |
| 40. (L) Upa Kaikhohau          | 95. Pi Ngailianmoi (Momoi)    | 150. Ex.Hav. Khupzathang        |
| 41. Dr. Jainson Haokip         | 96. Pu Aron T. Muanthang      | 151. Nu Muanchig Sangma         |
| 42. Pu Kapkhanthang            | 97. Pu Thongneipau            | 152. Sub. P. Goukhanlian Zou    |
| 43. Pi Manpi                   | 98. Pu Daikhanthang           | 153. Ex-Hav. Sianzakhai Munlao  |
| 44. Pu Philip Thanglienmang    | 99. Upapu Soikhohau Samte     | 154. (L) Upa Thangkhekam        |
| 45. Upa Haukholam              | 100. Rev. Retd. Thangkhanmang | 155. Upa Thangkhojam            |
| 46. Upa Kaikhanlun             | 101. Rev. Nengkhanlal         | 156. Pastor Kapkhanhau          |
| 47. Pi Lhingneiting (Helhing)  | 102. Pastor Lamgen            | 157. Pastor Thangkhangam        |
| 48. Pu Thangchinsuan           | 103. Pi Cicilia Maman         | 158. Upa M. Ginkhankhup         |
| 49. Pi Goukhoniang             | 104. (L) Pastor Kamzathang    | 159. Upa T. Pumminlal           |
| 50. (L) Pu T. Gouchinthang     | 105. Upa T. Nungkhochinpaup   | 160. Pa M. Khammuanian Zou      |
| 51. Pu M.L. Thanghau Zou       | 106. Rev. Dousuanthang        | 161. Nh. Momawi Milun           |
| 52. Rev. V. Hangminthang       | 107. Rev. Hangpi Manlun       | 162. Upa M. Hauminthang         |
| 53. Rev. Dr. Ginkhanmung Zou   | 108. Tv. Hauthang             | 163. Pastor Kamsuanlal          |
| 54. (L) Ex.Nk. T. Dongminthang | 109. Rev. Thangchinkhup       | 164. Ex.Sub.Upa T. Mangkhenmung |
| 55. Pi Neingaihmaili           | 110. Pastor Kapsuankhup       | 165. Pu T. Ginkhothong          |
|                                |                               | 166. Upa V. Lawmsang            |
|                                |                               | 167. Pa Sawmkholal              |
|                                |                               | 168. Pa Lianzagou Zou           |

Koipou Patron member a pang utte a dingin ₹. 2000/- pie in a pang the gige hi.

**If undelivered, please return to**

The Editor, Gospel Tangkou  
MELC Office, Hqtr. Zomi Colony  
Post Box – 10, Churachandpur - 795 128  
Manipur, India,  
e-mail : [melchqtrs@gmail.com](mailto:melchqtrs@gmail.com)

Gospel Tangkou (Gospel Herald)  
RNI Regd. No : 62170/95 MNP 76  
(Hachin a kisuo,hattuom khanletna ding)

(RNI Regd. No:62170/95 MNP 76)  
BOOK POST

To

.....  
.....  
.....

*Layout & Typesetting @  
MELC Office  
Printed @  
Thawmsons Color Press,  
H. Lamka*